



VITORIA IN EXTREMIS DO CONXUNTO ARESAN.

Os de Ares despiden o ano cunha importante vitoria pola mínima ante o San Sadurniño despois dun mal partido ofrecido por parte dos dous conxuntos.

Prados Velllos 23 de decembro de 2012.

ALIÑACIONES

NUMANCIA: Carlos, Martín (Juanra 82'), Alexmarti, Costa, Antón, Bule, Manu, Teti, Julio (Jauma 72'), García (Álvaro 88') e Dudi (Fernando 61').

SAN SADURNIÑO: Amaro, Monti (Óscar 78'), Castillo (Díaz 64'), Rober, Pedreira, Carba, Miguel, Melo, Crueiro (Alberto García 76'), Otero (Michel 61') e Alberto Carro (Aarón 46').

COLEXIADO: Manuel Bejarano Estepa. Amoestou a Fernando polo Numancia e a Alberto Carro, Miguel e Rober polo Sansa.

GOLES: Bule (min. 90).

Primeira metade soporífera a que nos ofreceron Numancia e San Sadurniño cun xogo carente de sentido e no que ningún dos dous equipos foi quen de darlle un pouco de criterio futbolístico

ao partido, abusando dos balóns en longo e pelotazos sen sentido. No minuto vinte e dous Melo desaproveita para o Sansa un penalti enviando o balón fora. Os de Ares non tirarían entre os tres paus ata o minuto trinta e cinco despois dun bo centro de García que Julio remata de volea. No trinta e oito centro de Antón ao que García non acerta a meter a cabeza, e no corenta e cinco, un novo disparo de García que non acerta a meter entre os tres paus sería o que daría de sí esta primeira metade. Con empate a ceros no marcador e caras de somnolencia entre o respectable marcharíamos ao descanso.

A segunda metade sería dominada claramente polo conxunto aresano. Os de Ares tiveron a posesión do balón e o dominio territorial do xogo ante un Sansa que deu a impresión de renunciar ao ataque. Pero malia ese dominio, e a esa posesión, aos de Ares faltoulles mordente e sobre todo gol. Habería que esperar ata o minuto noventa para ver ese ansiado gol da vitoria. Gol precedido dun pase en longo de Costa dende a banda dereita ata a esquerda sobre Manu, quen baixa o balón, regatea ao seu marcador, intérnase na área pegado á liña de fondo e abre o balón ao pico da área pequena para a entrada de Bule quen de disparo raso envía ao fondo da rede.

Con esta vitoria os de Ares sitúanse na quinta posición da táboa clasificatoria, a tres puntos da cabeza, nunha apertada clasificación na que tan só hai catro puntos de diferenza entre o primeiro e o oitavo clasificado.

Quero aproveitar este último comentario do ano 2012 para desexarlle a toda a familia numantina e a tod@s @s seguidor@s desta web, unhas Felices Festa e unha Feliz entrada de ano.

Ata a próxima xornada, Deus mediante, domingo 13 de xaneiro en Prados Velllos
!!!NUMANCIA - GALICIA DE MUGARDOS "B"iji